

重修盧氏縣誌卷之十五

樓峯郭光澍霖三氏編次

傳 碑 敘

耿九疇傳

明史

耿九疇字禹範盧氏人永樂求進士宣德六年授禮科給

事中議論持大體有清望正統初大臣言兩淮鹽政大壞

宜得重名檢者治之於是推擇爲鹽運司同知痛革宿弊

條奏便宜五事著爲令毋喪去官場民數千人詣闕乞留

十年正月起爲都轉運使節儉無他好公退焚香讀書廉

名益振孺婦皆知其名以事見誣逮下吏已得白卽留爲
刑部右侍郎屢辨疑獄無所撓屈礼部侍郎章瑾下獄九
疇及江淵等議貶其官瑾壻給事中王汝霖銜之與同官
葉盛張固林聰等論刑部不公九疇淵遂劾盛等且言汝
霖父永和死土木嬉笑自如不宜居職時景帝新立急於
用人置汝霖等不問瑾如奏鳳陽歲凶盜且起勅往巡視
招撫奏留英武飛熊諸衛軍耕守招來流民七萬戶境內
以安兩淮自九疇去益政復弛景泰元年仍命兼理尋勅
錄諸府重因多所平反十月命兼撫江北諸府三年三月

代陳鎰鎮陝西都指揮楊得青等私役操卒九疇劾之詔
案治且命諸邊如得青者具劾以聞邊將請增臨洮諸衙
戍九疇言邊城士卒非乏將帥能嚴紀律賞罰明信則人
人自奮不然徒冗食耳乃不增戍邊民春夏出作秋冬輒
徙人寨九疇言邊將所以禦寇衛民也今使民避寇失業
安用將帥因禁民入徙有被寇者治守帥罪四年布政使
計資言侍郎出鎮與巡按御史不相統事多拘滯請改授
憲職便乃轉右副都御史大臣鎮守巡撫皆授都御史自
九疇如有旨市羊角爲燈九疇引宋蘓軾諫神宗買浙燈

事事乃寢災異求言請帝延儒碩公賞罰擇守令簡將帥
優詔報焉天順初議事京師帝顧侍臣曰九疇廉正人也
留爲右都御史罪人繫都察院獄者不給米九疇爲言乃
自給一升遂爲令已上疏陳崇廉恥清刑獄勸農桑節軍
賞重台憲五事帝皆嘉納是年六月御史張鵬等劾石亨
曹吉祥亨等謂九疇寔使之遂井下獄謫江西布政使尋
調四川明年礼部缺尚書帝問李賢賢曰老成清介無如
九疇乃詔逮旣至憐兵老改南京刑部尚書四年卒謚清
惠子裕自有傳

元

成德觀碑

失名

竊以妙道將宏非至人而莫克亨時罕觀與元會以相閑
茲有成德古觀乃仙境之名區踞莘川之勝槩謹按圖經
盧敖飛昇於此地復考與志漢主建邑於斯邦商州銀治
張公抱濟時撫俗之偉畧負建隼伏熊之雅量採山澤之
利供軍國之需上帝垂庥山靈獻瑞丹砂銀液取之不窮
黃金赤仄挹而無盡念茲冥貺建此琳宮築台經始當李
周顥德之年落祭告成迄皇宋建隆之歲頃者五嶽飈馳

三河霧塞雲台大慶咸遭劫火之焚太乙神霄俱罹兵凶
之廢惟此古觀猶存久矣黃冠遠逝舊趾苔封勝蹟蕪滅
枯栢夜月稀聞鶴唳之聲衰草寒烟空聽烏啼之響今大
元復興採辦感切永忝捐助梓材玉像金容重加潤色碧
瓦雕甍復成輪奐從此凶寇回心而向善頑民歸化以依
仁是固太上之默相亦由眾志之交成刊諸貞珉昭示來
茲

白公祠碑

崇禎十一年

知縣劉爾賓

公諱楹字礎之別號與莛山東東昌府莘縣人天啟乙丑

進士余之獲交於公自清源始公落筆警異而爲人伉爽
博大不爭瑣屑事無巨細當機應節靡不盡然爲晉之平
陽李政声藉甚當事貢擬擢不次爲忌者所中因謫浙之
臬幕時予方以潮李歸里晤於武林相與泛舟湖滸兩高
三竺徧窮其勢相對咏歌各自得也無何有盧氏之命盧
巖邑也爲寇出沒之區癸酉冬蹂躪幾牛公來盧加意撫
綏請蠲請賑屢以牘上又宗祿歲額數千金追呼無甯日
公爭之得可而後已訟無贖鍰日用一資之囊中而督事
諸大吏亦以已資應之未嘗分毫擾民間也時防兵萬餘

缺糧譁噪廬且旦夕憂不保公縋城下慰解之復出囊金
數百轉輸買米以濟餉之不給卒賴以安乙亥冬防兵各
東撤寇復窺廬公方登陴鼓衆寇先期踰堞僞充邏卒尾
公後公覺迎戰面中數矢猶拭血而手刃賊魁二人俄而
城陷有援公者勸之携眷入山公作色曰民社之不存何
以家爲且吾不甘以血染賊鋒也因自刎嗟嗟封疆之巨
死於封疆與張睢陽顏常山何殊而卹錄之議至今尚未
見端何耶崇禎十一年余承乏茲邑進紳矜父老而詢之
語及當日情事輒悲感泣下亦可見公議之不泯於人心

矣予因商建一祠衆各唯唯鳩工之日趨事予來不日而落成焉蓋俯從廬民畏壘之思以附於以死勤事之義抑以備當事之採擇云

國朝

蓋公去思碑

杜桂

余濫叨吏銓目人多矣良有司不槩見而世之稱良者非曰某也才足以強幹則曰某也声名藉甚抑知才之累德也久矣名之失寔也衆矣作吏者存一恃才之心則喜事喜事則事多更張而不足以係人寤歌也况叢怨者乎抑

存一弋名之心則矜事矜事則事多粉飾而不足以動人
深思也矧賈譽者乎凡此皆競爲卓異而寔非循良也我
邑侯蓋公自丙辰冬來蒞廬邑五載於茲矣不特才不矜
名煦若春風藹如慈母謂非品之卓異職之循良者哉然
其所可思而美者正未易悉數也僱科寓撫字之仁明農
講孝弟之義非正之貢則罷不急之務則止訟之至於庭
者平其忿不許其私民之罹於法者正其罪不追其往而
且嚴保甲以備不虞修城垣以戒封疆念學宮之傾圯也
爲之捐俸修葺慮士子之貧寒也爲之全復優免公之德

政如此余方將說項

當寧交荐顯擢奈公歸養情殷而仁孝之情迫於中日白雲
親舍望眼欲穿吾何忍以身外物易膝下一日之歡也詳
請各 憲台代爲滙陳皆嘉其孝思尤其歸養適如公之
願焉迄今去則去矣不能挽已去之轍惟勒石以志見公
之不負吾盧而吾盧之不忘公也云爾

青牛觀序

李深

予閒披全真正宗仙源傳讚其詞曰天啟元風青牛西度
微言五千無極道祖又曰黃鶴悠悠白雲何許素書一編

沈煙一縷天上人間桃花流水此混元讚也分神化氣寄胎于元妙玉女八十一年誕楚之苦竹縣瀨鄉曲仁里生而白首故稱老子姓李名耳又名聃字伯陽其在周文王時爲守藏吏武王時爲柱下史成王時化導大秦竺乾等國還歸於周昭王時過函谷西入流沙穆王時復還中夏平王時復出開開化蘓鄰諸地敬王時孔子問禮退而有猶龍之嘆現身說法妙用無窮當其過函谷令尹請白子將隱矣強爲我著書於是乃著上下篇五千餘言令尹者卽尹喜字文公道家所稱靈寶天尊是也公嘗仰觀乾象

見東方紫氣浮闕知有神聖當過物色而迎之果遇老子
今靈邑太初觀卽古尹喜候見老子處終南宗聖宮卽尹
喜之故宅也道德天尊者蓋辛文子一名計然者也蔡邕
濮上人師事老子楚平王問曰聞子得道於老子可得聞
乎對曰道德匡邪以爲正振亂以爲治又曰積德成王積
怨成亡斯言也真道德之言也治亂所繫將在乎此此豈
虛虛無無幻化焉云尔哉三聖顯名有傳寔事可考予故
述其始末以誌之云今吾鄉硯坪山下相傳老子過函關
時騎青牛到此故名青牛觀

王熊峰雲門輿吟序

趙執信

儒者區別先賢之科似不能兼者其信然歟然則冉求之
藝非文學言游之絃歌非政事歟抑嘗稽漢唐以來史冊
其能兼者代非無人特未易數數覩也以今世推之其故
有三曰絀於才也限於職也非其心之所好也其絀於才
奈何少習舉子業不知其外有古今逮乎入仕冒昧自用
沿成例聽吏胥苟爲因循而已伎倆無所能之庸人也間
有負異才成大名俛首而入館閣雄文麗藻沮沒衆中又
不得爲親民之官其一行作外吏者日事簿書豈復能精

研博採於百家之言此真不能兼者故曰限於職也至於
踞高位獵盛各自以爲比肩逞古而其心寔未嘗與經史
相出八不過以利祿釣弋氣勢驅駕流俗競趨之未幾而
聲墮位歇人與時遙姓字之傳者罕矣故曰非其心之所
好與庸人何殊哉若夫才優於政事心喜乎風雅內不絕
冥搜外不廢吟咏斯真能以心運其才而不爲職位之所
限者雖不敢云上比冉言亦庶幾乎史冊所載不數數觀
者適今於余通門執友盧氏王君見之君年未三十成進
士於舉子業之外涉獵羣書以詩自豪及其理縣也據案

聽斷五官並用發奸摘伏赫若神明所至吏畏而民懷之
大僚皆倚重焉以故由鄉調益都再調於滕政聲爲海岱
之最而以餘力綴作數年之中得雲門興咍膝陽山水咍
共詩數千首今秋一旦盡刪之僅存益都流覽古蹟三十
有四首寓書於余曰非能工也但以不忘其所歷之境而已
余慨然称喚曰有是哉兼之矣而濟以虛心其所進甯有
量耶雖然君方以政事爲羣公推轂不日入中翰列侍
從又將舉文學之席而奪之儒者忌君独無所畏乎余願
贈君以言偕僚友則勿以政上人遇名輩則若不知有文

斯爲善全其兼之道也已乾隆庚申中秋六日序